

REGLUGERÐ

um almennan varasjóð A-hluta fjárlaga

1. gr.

Markmið og tilgangur.

Tilgangur reglugerðar þessarar er að skýra verklag, hlutverk og ábyrgð við ákvörðun um ráðstöfun úr almennum varasjóði skv. 24. gr. laga um opinber fjármál, nr. 132/2015.

Markmið reglugerðarinnar er að treysta framkvæmd fjárlaga innan ársins, faglega málsmeðferð og samræmd vinnubrögð við ráðstöfun almenns varasjóðs fjárlaga.

2.gr.

Launa- og gengisforsendur

Ef nýir kjarasamningar sem samninganefnd ríkisins gerir við stéttarfélag leiða til þess að launaútgjöld ríkisaðila og verkefna aukist umfram það sem forsendur fjárlaga gerðu ráð fyrir er fjármála og efnahagsráðherra heimilt að millifæra innan ársins úr almennum varasjóði til ríkisaðila og verkefna, til að mæta þeim útgjalda sem samningar fela í sér.

Ef útgjöld gengisbundinna liða breytast verulega vegna veikingar gjaldmiðils frá áætlun fjárlaga, er fjármála- og efnahagsráðherra heimilt að millifæra innan ársins úr almennum varasjóði til ríkisaðila og verkefna þar sem útgjöld eru með beinum hætti tengd þróun gjaldmiðils.

Ráðstöfun úr almennum varasjóði skv. grein þessari skal kynnt í samræmi við 6. grein reglugerðar þessarar.

4. gr.

Frávik rekstrarútgjalda frá rekstraráætlunum

Ef upp koma ófyrirséð, og óhjákvæmileg tilvik sem leiða til verulegra tímabundinna útgjalda ríkisaðila umfram rekstraráætlun og ekki er mögulegt að bregðast við að fullu af hlutaðeigandi ábyrgðarráðuneyti, með millifærslu fjárveitinga innan málaflokks samkvæmt 35. gr. laga um opinber fjármál, getur fagráðuneyti óskað eftir framlagi úr almennum varasjóði.

Slík umsókn skal send fjármála- og efnahagsráðherra í samræmi við tímafrest ráðherra til aðgerða vegna fráviks rekstrarútgjalda skv. áður nefndri grein laga um opinber fjármál.

5.gr.

Umsókn um framlag úr almennum varasjóði.

Ráðherra sem óskar eftir framlagi úr almennum varasjóði skal senda umsókn um millifærslu og greinargerð til fjármála- og efnahagsráðherra.

Þar skal koma fram af hvaða tilefni frávikði sé og áætlun útgjöld vegna þess. Jafnframt skal gera grein fyrir því á hvaða forsendum útgjöld teljist tímabundin, ófyrirsjáanleg og óhjákvæmileg.

Skýra þarf frá hver áætlun heildarútgjöld hlutaðeigandi málaflokks séu innan ársins, fjárveiting samkvæmt fylgiriti fjárlaga til málaflokksins og áætlaðar fjárveitingar frá fyrra ári.

Skýra skal frá fyrirhuguðum aðgerðum ráðuneytis vegna þessara sérstöku útgjalda, s.s. ráðstöfun varasjóðs málaflokks eða breytingar á framlagi til ríkisaðila og verkefna samkvæmt fylgiriti fjárlaga.

Fjármála- og efnahagsráðherra skal við móttöku umsókna fara yfir forsendur og leggja mat á þær, með tilliti til ákvæðis 24. gr. laga um opinber fjármál og stöðu liðarins sem óskaði er eftir framlagi til.

6. gr.

Ákvörðun um ráðstöfun úr almennum varasjóði.

Fjármála- og efnahagsráðherra tilkynnir hlutaðeigandi ráðuneyti um ákvörðun sína innan tveggja vikna frá því að ósk um millifærslu berst.

Ef ákvæðið er að úthluta úr almennum varasjóði á grundvelli 2. gr. sér ráðuneytið um þá millifærslu og tilkynnir um framkvæmd hennar í samræmi við 3.mgr.

Ákvörðun fjármála- og efnahagsráðherra um nýtingu almenns varasjóðs skal kynnt fyrir ríkisstjórn og fjárlaganefnd Alþingis þegar ákvörðun hefur verið framkvæmd. Jafnframt er ákvörðun auglýst í Stjórnartíðindum líkt og aðrar breytingar frá fylgiriti fjárlaga sem gerðar eru með millifærslum fjárveitinga.

Sé ekki fallist á að umsókn um úthlutun samrýmist reglum um úthlutun úr almennum varsjóði, getur sá ráðherra sem óskaði eftir framlagi, vísað erindinu til frumvarps til fjárukalaga, sé ekki hægt að fresta útgjöldum til næsta árs.

7.gr.

Ráðstöfun árslokastöðu

Óráðstöfuð fjárheimild í almennum varasjóði í árslok færist ekki milli ára heldur fellur niður.

8. gr.

Gildistaka.

Reglugerð þessi er sett með heimild í 67. gr. laga um opinber fjármál, nr. 123/2015, og öðlast þegar gildi.